

近代中國史料叢刊第六十輯  
沈雲龍主編

思 玄 堂 詩

汪榮寶著

文海出版社  
印行

思玄堂詩

八十二歲行



## 題汪衮父遺詩

覘國如有人秉羽可甘寢人亡國所嗟定論蓋棺審吁  
嗟吾太玄穎異由天稟早耽揚子書流風出高朕復喜  
義山詩有句皆璣錦九能大夫才百國寶書諗西海暨  
東海持節逾十稔文采動鄰邦樽俎安於衽橫流起涓  
涓疾風摧懍懍歸坐思玄堂語我口先噤決去事名山  
幸未及衰甚重緡舊法言疏補墨流瀋稿本甫寫刊沈  
疴已伏枕麟鳳萎中原誰使天驕凜鑿楹有諸郎遺艸  
得全釵崑體邁楊劉古風追任沈悲吟汐社徒痛念黃  
墟飲氣類感交親濡沫餘驚諗莫存死友真賦此當題

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



品

乙亥冬月武進趙椿年坡鄰父

艸於舊京漢魏五碑之館

思玄堂詩集

吳汪榮寶

感事

玉宇初寒夜漏長  
宮中行樂事難量  
新聲宜號千秋戲  
殘粉猶堪半面妝  
玄菟戍空邊月黑  
朱厓路斷海雲黃  
如聞故老思飛將  
淚灑金河雁幾行

丁酉秋日獨游孝陵

形勝江山莽夕烟  
龍蟠猶是孝陵田  
靈衣石馬歸何處  
破帽青衫拜此年  
百戰艱難三尺劍  
中原零落五銖錢  
微生自有橫流感  
一弔通天倍惘然

天津早發車中有作二首

冥逐雷聲發俄驚曉色侵  
魚龍未歸壑蒲柳稍成林  
目極南鴻遠愁兼朔霧深  
金張擊鐘里春夢正飛沈  
宣武城南路巾車十丈塵  
陸機初入洛賈誼敢論秦  
作賦看前輩談兵有故人  
欲將成相意一爲廟堂陳

腐儒三首

腐儒狗曲漫譏訶  
功令當年重甲科  
一代宦途無捷徑  
百家學海有先河  
衡門夜雨然麻讀  
蕭寺秋風倚樹哦  
稽古殊榮誰不羨  
詞臣玉節聽中和  
環海今爲大九州  
遠人長是廟堂憂  
車船已聽操全算

襟帶還容據上游此日聞擊思將帥平時賜帛等倡優  
神州戮力談何易夷甫諸人不足謀

赫如日月乍經天塵劫回頭五百年幾輩枕中鴻寶在  
一朝牆角短檠捐俗儒干祿難爲學平世求才自有先  
未必縱橫勝帖括後生且莫笑前賢

離思

別離不記日積思但如麻獨樹棲烟鳥涼空起暮霞玲  
瓏雙玉佩縹渺七香車亦擬乘風去滄波萬里賒

埃及殘碑

古國五千歲榛蕪獨早開象形同詰訕畫革有胚胎與



汝深簷覆因誰巨舶來嗟余箝在口欲讀重徘徊  
尼路河邊草春來依舊青霸圖無影響文治日飄零鬼  
物荒祠畫莓苔廢塔銘猶餘一片石天上炳華星

瑤池

聞說君王禱嶽回齋居近在集靈臺瑤池一夕雲耕降  
不遣青禽寄語來

呈武選司諸公

粗說山川愧九能叨簪弱歲倍難勝敢思宣室論前席  
但擬浯溪頌中興日落柳邊聞牧馬秋高榆塞憶呼鷹  
中樞坐論須公等好在清風滿院簾

紀變

九縣陵遲日三靈震動年歛驚星入斗真恐海爲田草  
木紛搖落乾坤孰轉旋此時天帝醉未敢訴纏緜  
不覺鶻啼痛寧知燕啄傷高名虛四皓哀咏動三良衛  
國棋無定周京燎不揚小臣魂魄散不信有巫陽  
直道今何在奇悲古未曾側身思柱石雪涕望觚稜  
迹方交錯川原况沸騰諸公行老矣何語謝長陵

不寐

耿耿寒燈不曙天瀟瀟凍雪欲殘年玉杯經術成何用  
錦瑟詩心只自憐屈戍暗蟲頻反側承塵鬪鼠小迴旋

清鐘一杵蓮花寺知道鄰僧未得眠

從弟杜寶輓歌詞

早日同嬉戲頻年各遠游風烟三輔接歲月五陵道小  
聚翻因病離居已戒秋荷香十刹海曾共一登樓  
去後心時動書來病已深遲歸疑小愈乍見費沈吟屬  
氣仍相慰攻育竟不任淒涼臯某復戶外有層陰  
歸夢三千里浮生十八年杜勤期射策楊信枉參玄窮  
巷餘衰草荒庵有暮烟江城今夜雪齧指恐無眠  
議服差同產題旌謚上殤幽明遂殊路風雨莫聯牀零  
落旁行字叢殘少廣章爲君理一篋幸作百年藏

送田自芸南歸

歲盡盧溝雪似棉歸人裘敝粟生肩憂天心事餘三宿  
驚世文章悔十年努力清時須守默平居故國且思玄  
臺城無限將舒柳正向春風待客船

寥廓高翔不可羅池隍躑躅欲如何素衣漸覺京塵重  
錦瑟空憐楚雨多白首論交心似月青燈惜別淚爲河  
何時同醉鍾山下濯足江流一放歌


三月二十三日集永定門外十里莊范文正顧亭

林祠

曹署幸無事郊原初變春芳菲驚節物功德念先民百  
世猶隨踵雙祠若比鄰相從傾社酒吳客意何親

早讀先賢傳恭聞君子儒清風永齋粥逸語偶拈蘆憂  
樂關天下興亡繫匹夫橫流今在眼望古獨踟躕

餞柳屏赴官濟南

携榼城南正綠陰午風暫此共披襟漢廷不用相如賦  
魯國端須宓子琴百里栽花先得地崇朝觸石卽爲霖  
明湖烟柳應無恙休灑時能寄短吟

商君

公孫才調亦堂堂  
新法千言在抑商  
豈識邯鄲有豪賈  
卻將奇貨視秦王

陳王

朝罷承明賦洛神  
高邱反顧涕沾巾  
君王自有芳蘭恨  
卻被人疑作感甄

有感

戊戌年有  
己亥年詩成

日月觀新政  
天人想中興  
雲虯空際會  
金虎有依憑  
秘殿論思罷  
周廬宿衛增  
傷心李斯犬  
側目郅都鷹  
脫屣真何有  
寒裳竟未能  
蒼黃一尺素  
黯淡九枝燈  
瀛海烟

波闊漸臺霧露凝佛香高閣迴夜色冷於冰

甲帳金風動昆池玉漏催月移仙仗轉雲擁御簾開告  
密封章急思愆制詔哀漢槎求藥去秦傳送醫來赤鳳  
翻歌扇金鸚獻壽杯兩宮極慈孝四海安驚猜北極終  
無改南薰不可迴平時前席地寒雨落宮槐

重有感

草堂萬木長風烟高臥南溟幾歲年劉向傳經無百兩  
牟長著錄過三千連雞戰國縱橫局乘馬兵書甲乙篇  
從此燕齊迂怪士頗聞扼腕道神仙

莽莽神州有夕陰蕭蕭漆室自悲吟竹林墜簡標師說



桑落淒辰得霸心  
適野已知吾道紕  
叩天不識帝闈深  
當關莫恨妨清夢  
風雨鳴雞識此音

邊塵夕黯海波遒  
鳴轂徒增聖主憂  
霸越奇材思范蠡  
新周經術得何休  
升車慷慨傾三輔  
倒屣逢迎徧五侯  
聞說孔公能薦士  
雲霄一鶚好橫秋

風送珂聲近玉除  
日移花影上華裾  
屢聞賈誼叨前席  
更許劉安進外書  
反袂傷麟良可已  
持刀呪虎定何如  
孤芳祇恐經秋歇  
多種江蘺與揭車

天路新標進善旌  
四星高傍帝車明  
寶書重叠歸天祿  
講幄深嚴闢邇英  
象法喜瞻金布甲  
龜符驚失大橫庚

漢朝自有家人語安用春秋致太平

倦向瑤池聽八琅鑪烟扇影不曾忘金根歸駕秋傳訊  
玉檢靈書夜作芒重起甘龍論要道急徵扁鵲進神方  
水衡新奏雲斤技未許寒鴉度苑牆

觚棱回首日西曛哀痛天書不忍聞自是桐宮甘罪己  
何曾丹穴苦熏君銀璫夜譙開東閣鐵騎朝蒐集北軍  
定策殊勳誰第一青袍御史氣干雲

十五句圍夜動搖繡衣逐捕隸兵驕杜周刀筆須深刻  
陶侃戎衣竟寂寥坐見刊章收北寺虛聞對簿就東朝  
弋人豈得忘矰繳已有冥鴻在九霄

斬關空復破盧嬰身有靈符辟五兵卽夜珠襦臨武帳  
平明玉貌去圍城甘泉豹尾縈魂夢滄海鴟夷變姓名  
縹馬聞風應反顧高邱無女涕縱橫

柏臺秋氣夜凝霜白首同歸事可傷黃犬舊遊迷上蔡  
碧雞霸業黯陳倉敢尋韓客論孤憤私託湘纍續九章  
青史他年有公論詩成未許下雌黃

枇杷和張鴻戶部

悵望西園別思深婆娑幾樹正垂金筠籠擷露遲櫻送  
玉碗調冰先李沈漫以時珍誇夏首曾從晚翠見冬心  
異名儻解徵盧橘慚愧無才賦上林

秋怨

玉樹曾看清露滋  
丹梯無奈夕陽遲  
萱肥未是忘憂草  
柳弱難爲續命絲  
滄海有鮫長遞淚  
閨風無鶴與通辭  
年年慣譜秋琴怨  
又到蟹啼雁唳時

繩匠胡同

夕陽無限鳳城阿  
繩匠胡同策馬過  
今日敢揮思舊淚  
淒涼鄰笛欲如何

上衙謠

踏踏長街起輦紅  
曹司只在鳳城東  
入門揖罷無多事  
竹韻籐陰滿座風

下衙謠

玉水清冷出御河  
緣隄烟樹綠陰多  
一鞭斜日城西道  
人影車聲緩緩過

太液

太液秋光動綠萍  
五雲樓閣入微冥  
玉虹帶雨參差彩  
璧水涵虛上下青  
作戲魚龍寒未歇  
當關虎豹曉還醒  
禁松更擬南薰曲  
多恐儀鸞不忍聽

碧海次前韻

碧海輕橈去似萍  
石橋回首浪冥冥  
蒼涼落日猶凝紫  
咫尺神山忽隱青  
託月嬋娥能不老  
隔河靈匹共長醒

瑤臺自弄雲和管那識人間掩淚聽

己亥除夕病中隱南寄示新詩有早朝車馬客應  
有淚沾巾之句愴然感賦

又向仙階感落莫青霜素雪幾番經依林獨鶴寒難語  
戴石連黿倦不靈未到揚塵猶是海可能替月只教星  
殘燼不夢鈞天事一聽陽春足涕零



初春病起爲彤士題馬湘蘭畫觀音

造象新收善業泥  
數行唐楷抵金題  
天花忽著維摩室  
病眼如經刮膜錢

舊苑歌樓碧草新  
板橋畫舫有流塵  
偶留一片華鬢影  
如證三生鎖骨身

叢蘭修竹墨痕涼  
斷盡揚州詞客腸  
拋卻閑愁隨逝水  
繡簾來對一鑪香

貧西藏硯春農印  
合迸無緣兩寂寥  
乞取慈雲多護惜  
傳家墨妙讓君驕

出都兼旬得北書不能成寐



燕樹迴看夕照橫北書傳語足心驚一時卿相能明鬼  
幾輩師儒競議兵幽夢敢通文石陞離愁惟訴短燈檠  
傷春莫更揮閑涕海水羣飛及此生

多景樓

小集江樓酒半醺憑闌試矚海門雲一川龍氣凝寒雨  
萬壑松聲淡夕曛漢上烽烟勞悵望秦中旌旆斷知聞  
吾曹流涕真何補誰使神州此泯焚

揚州

暮雨滄江鼓柁來高秋欲訪鬪雞臺吹簫不見珠簾捲  
疊鼓如聞錦纜迴幕府千年南渡恨鹽船一夕北風哀

挑燈試讀蕪城賦敢道參軍枉費才

許侍郎哀詞

犯難知無幸捐軀亦自傷平生有語默此舉繫存亡板蕩歸天道貞艱作士常朝衣碧血在百世有餘芳

海水羣飛急雲霄片羽寒

去年公以報効昭信股票銀兩得賞花翎余爲公草謝恩

摺云納細流於江海詎足成萬方餘涕淚一疏竭心肝深分片羽於雲霄都應懸重

誰滅周京燎先零楚國蘭夕烽傳虜入抉目定愁看

謬以文章契都忘年輩遼情瀾清不竭天路迴相要小

別成長往孤根勵後凋秋風正淒厲忍問浙江潮今年三月

余乞假出都別公旅邸清言媿媿移晷忘倦臨行公致錦段時表之屬余以小別不足辱贐固辭五月中余爲

公撰褚君墓志成因寄公書戚然於喪亂之方多繼見之無日書去無報而公遂以七月三日見法矣

### 早春卽事

鄉國驚心萬象春中原北望雪摧輪豈聞墨翟能存宋  
會見辛垣欲帝秦宣室未忘前席對滄江空望屬車塵  
國家成敗誰能料已有天書誓臥薪

### 渡海

積水真安極長風偶此時及關猶有歎去國可無悲禮  
失求於野官亡學在夷睢盱知漸減天壤有餘師  
粗識軒轅樂來浮博望槎鮫人如有室鷗鳥卽爲家稍  
覺東風溼迴看北斗斜八紘今咫尺何處是天涯

坐感橫流急因知滄海深  
褰裳誰共濟濯足一長吟  
向若徒驚歎居夷豈素心  
精禽如有意先起九州沈

長崎

蓬萊清淺未揚塵來看扶桑曙  
彩新世外曾聞君子國  
天涯寧見太平人畏從逢掖談  
遺事且覩鴟夷醉好春  
腸斷平壺十萬衆猶疑漁火是  
青燐

星洲數點現冥濛喜見仙樓處處同  
遺鳥已無朱舜水  
殘碑尙有鄭成功於今一水真衣帶  
請爲羣賢賦角弓  
回首天西日沒處滄波猶作萬鱗紅

歲暮集楓亭

海國方殘臘山樓又夕陽松凝萬戶翠楓醉一亭霜綾  
扇迴風暖冰絃迸雨涼坐中獨醒客辜負酒盈觴

海上早春

海水日潺湲春風去復還雪融泉岳寺波綠品川灣地  
迴烟雲闊時清花鳥閒霸圖殊未已相對愧華顏

上野櫻花

上野輕陰裏山櫻一半開春營都試罷晚社踏歌迴展  
印穿林沒衣香逐水來獨能無涕淚遙灑故園梅

浩浩太平洋

浩浩太平洋波濤接莽蒼幾家權力論來日戰爭場海

市春雲曙樓船曉日涼齊烟渺天末西望一迴腸

東京遇柳屏會將歸國因與同游箱根宿環翠樓  
極樂非吾土當歸得故人飛車遵大路疊嶂送無垠偶  
動登臨思相期信宿因行行隨落日望望入蒼旻橋斷  
宜扶杖程遙數駐輪茂林欹市榜遠浦簇漁緝到處逢  
杉屋迴眸失海濱嵐光初縹渺巖勢忽嶙峋徑折依松  
轉泉奔過石皴緣溪花似繡被野稻爲茵疑縮山陰地  
誰披禹穴榛畫屏圍曲曲電轂止鱗鱗拾磴雲生屨投  
巢鳥獲鄰候童歡負篋侍女笑延賓傑閣森環翠幽棲  
迴出塵急湍喧作雨老樹古於椿衆綠時窺闥涼颼快

解紳危闌捫斗近溫室浴蘭頻噴玉香成沼鎔鑪地運  
鈞勝驪徵往事風舞見天真尋澗俱聽瀑臨流或數鱗  
空桑容一宿列嶠想三神聞昔稱雄鎮於茲扼要津北  
條初虎踞東照亦龍伸險塹蠶叢闢荒原雉堞湮霸圖  
川永逝仙窟月常新邱壑餘風雅衣冠覩樸淳長留觴  
咏迹小憩轍環身談藝欣賢主題詩感逐臣浮生宜荷  
鍤返顧忽沾巾亦有林巒勝誰能猿鶴親偶逢觀魯客  
聊擬避秦民攬鏡悲勲業登樓忍苦辛未容作舟楫那  
計問鱸莼故國猶衰草空山自好春苑枯終異地哀樂  
共茲辰去去休沾絮勞勞譬析薪乘桴慙季路呵壁謝

靈均曉別嗟分燕星躔紀在鶉芙蓉峯上雪迴望白如  
銀

詣闕

風雨單車賦北征長安棋局又縱橫諸賢門戶空元祐  
百輩衣冠竟廣明過闕驚雷催轉轂登樓落日照屯營  
昇平猶有梨園曲依舊當年法部聲

崇效寺

寒郊衰柳已如烟來續雲堂半日緣卷舌機鋒餘座上  
冥心濠濮在簾前兔葵燕麥猶清絕紅杏青松竟渺然  
坐久不知鐘漏晚起看城闕萬鴉邊



--	--	--	--	--	--	--	--	--	--	--	--	--	--